

# Bulletin


*Amptelike nuusbrieff van die Munisipaliteit Overstrand*

## SAKEKERNHERNUWING BEPLAN

Die Munisipaliteit Overstrand ondersteun die inisiatiewe van die Hermanus-Sakekernhervormingsprojek wat einde verlede jaar van stapel gestuur is deur eiendoms-eienaars en besighedsmanne in die sakekern. Dié projek het ten doel om die potensiaal van die Hermanus-sakekern, wat in agt sakenodusse opgedeel is, op te hef en te maksimeer ten einde volgehoue voorspoed vir besigheid en die publiek van Hermanus te verseker.

Altesame 25 verteenwoordigers van die onderskeie nodusse en ander belanghouers het in Desember vir die eerste keer byeengekom en saamgestem dat hul eerste korttermyn doelwit moet wees om teen 2016 die Hermanus-sakekern te posisioneer as die beste dorpservaring in die Wes-Kaap vir sowel inwoners as besoekers. Dit behels onder meer inisiatiewe om verwaarloosde gedeeltes in die stads-kern op te kikker, geskikte verbruikersvriendelike inligtingsborde aan te bring, die aantreklikheid van winkelfronte en arkades te bevorder, die beste mengsel van huurders aan te moedig en goeie kliëntedienspraktyke, soos hoogstaande diens, mededingende pryse en besoekersvriendelike winkelure, te bevorder.

'n Hermanus-Sakekernforum, wat die inisiatiewe van hervormingsprojek sal dryf, sal vroeg vanjaar formeel op die been gebring word en bestaan uit sakekerne-eiendoms-eienaars en -besighedsmanne, munisipale raadslede en amptenare, verteenwoordigers van die toerismebedryf, die Polisie en individue met bepaalde vaardighede.



**A** Main Road South  
**B** Main Road East

**C** Marine Drive South  
**D** Harbour Road

**E** High Street  
**F** Mitchell Street

**G** Long, Aberdeen, Dirkie Uys, Hope Streets  
**H** Village & Market Square

## PARKERINGSBESTUUR IS NOODSAAKLIK

Vele komplimente is al ontvang vir die nuwe parkeerstelsel wat sedert September 2012 in die Hermanus-sakekern in bedryf is, maar dit blyk ook duidelik dat daar nog steeds besorgdhede is wat opgeklaar moet word.

Uit die aard van die projek gaan daar gereeld nuwe gesigte gesien word omdat die parkeerbeamptes geroteer word tussen die gebiede waar daar parkeering uitgemerk is. Insamelingsprosedures en tariewe het egter nie verander nie.

Die stelsel is op die volgende maniere vereenvoudig:

1. Die parkeerbeamptes is duidelik uitkenbaar deurdat hulle 'n oranje beffie met

die munisipale logo dra en ook 'n identiteitskaart aan hulle het;

2. Daar word van motoriste verwag om hul parkeergeld vooraf te betaal, 'n stelsel wat reeds in 2011 ingestel is, maar sedert September 2012 streng toegepas word;
3. Parkeertyd word nie beperk nie en motoriste kan soveel tyd koop as wat hulle benodig vir die duur van hul besoek aan die sakekern; en
4. 'n Kwitansie word deur die parkeerbeamptes uitgereik vir alle kontant wat hulle ontvang. Geen footjies mag deur hulle aanvaar word nie.



**PARKEERBEAMPTES PRESTEER:** Erkenning is aan die top-presteerders onder die parkeerbeamptes gedurende die kwartaal van September tot November 2012 gegee tydens 'n seremonie op Vrydag, 11 Januarie 2013. Van links staan Paul Pfister, Projekbestuurder, Richard van Heerden (tweede), Sakhiwo Sineyi (3de), Neville Michaels, Direkteur van Beskermingsdienste, Bongani Mvumbi (4de), Rudi Fraser, Verkeershoof, en Mtombombzi Sylvia Nkwenkwezi, die toppresterder.

Die kwitansie moet links voor op die voertuig se stuurpaneel geplaas word. Dit is belangrik vir motoriste om die inligting op die kwitansie na te gaan,

met ander woorde of die voertuig se registrasienommer en die tyd wat aangekoop is, korrek geregistreer is.



# WEES INGELIG OOR WATERKWALITEIT

## Drinkwaterkwaliteit: Julie 2012 - Oktober 2012

Beskrywing van toets	Eenheid	Standaard per SANS 0241 Klas	Standaard per SANS 0241 Klas	Gemiddelde toetsresultate van drinkwatermonsters vir:							
				Buffelsrivier	Kleinmond	Hermanus	Stanford	Gansbaai	Pearly Beach	Baardskeerdersbos	Buffeljagsbaai
pH	(pH)	5.0-9.5	4.0-10.0	8,8	8,7	8,7	7,8	7,5	7,8	6,2	7,7
Elektriese geleidingsvermoë	(mS/m)	<150	150-370	32	25,7	50,3	53,4	107,7	46,5	36	111
Troebelheid (NTU)		<1	1-5	0,3	0,4	1,9	0,3	0,4	0,3	1,3	2
Kleur (mg/l as Pt)		<20	20-50	4,5	2,5	6	1,5	4	15,8	459	8
Kalsium (CaCO <sub>3</sub> )		<150	150-300	3,5	19,8	21,9	89,3	20,8	16,4	6	<150
Chloried (mg/l as Cl)		<200	200-600	<200	<200	<200	<200	200	<200	<200	247
Fluoried (mg/l as F)		<1,0	1,0-1,5	0,1	0,1	0,2	0,1	0,3	0,1	0,2	<1,0
Totale opgeloste vaste stowwe (mg/l)		<1000	1000-2000	227,5	212,5	380	510	790	345	285	<1000
Yster (µg/l as Fe)		<200	200-2000	12,5	35	93,3	17,5	22,5	20	570	122,5
Mangaan (µg/l as Mn)		<100	100-1000	40	40	40	40	40	40	60	40
Aluminium (µg/l as Al)		<300	300-500	38,5	32	284,7	15,5	93,5	43,5	555	37
E.coli (telling/100ml)		0	0	0	0	0	0	0	0	0	0

Die Departement van Waterwese (DWA) beveel aan dat munisipaliteite van tyd tot tyd inligting ten opsigte van die gehalte van sowel drinkwater as die uitvloeisel van hul rioolsuiweringswerke publiseer.

Waterkwaliteit word teenoor die Suid-Afrikaanse Nasionale Standaard (SANS) se kode 0241 vir drinkwater gemeet. SANS se Klas I-standaarde kan as die ideale drinkwater-kwaliteit beskou word, terwyl SANS Klas II-water steeds geskik is vir menslike gebruik maar op die langer termyn aandag moet geniet.

Op die tabel hiernaas is die resultate van vier maande se waterkwaliteitsmetings vir Overstrand se agt waterskemas. Watermonsters word maandeliks by 55 punte geneem en na geakkrediteerde laboratoria vir ontleding gestuur. Dertien verskillende bakteriologiese, chemiese en fisiese parameters word gereeld gemeet.

Daaruit blyk dit dat ons waterkwaliteit van hoogstaande gehalte is, met 93% van die gemiddelde resultate wat aan Klas I-standaarde voldoen, 'n verdere 5% aan Klas II en slegs 'n 2% estetiese parameter wat buite Klas II-standaard val. Opgraderings wat tans beplan word, of reeds in proses is, sluit in die Preek-stoel-watersuiweringsaanleg in Hermanus, 'n nuwe watersuiweringsaanleg op Baardskeerdersbos en ingebruikneming van nuwe boorgate op Hermanus.

In gevalle waar die toetsresultate van die finale drinkwater nie voldoen aan SANS 0241 nie, word daar regstellings by die watersuiweringsaanleg en in die water netwerk gedoen. Die finale drinkwater word dan weer getoets om te verseker dat alle parameters aan SANS 0241 voldoen. Die kwaliteitstabel sluit alle drinkwater monsters in wat oor vier maande getoets was, insluitend monsters

## Gehalte van finale uitvloeisel by rioolsuiweringswerke

Beskrywing van toets	Eenheid	DWA Algemene Gemagtigde Standaard	Gemiddelde toetsresultate van finale uitvloeiselmonsters vir:				
			Gansbaai	Hawston	Hermanus	Kleinmond	Stanford
pH	(pH)	5.5-9.5	6,3	8,2	7,6	7,2	7,6
Besinkbare stof (ml/l)		-	0	0	0	0	0
Elektriese geleidingsvermoë (mS/m)		150	148,8	164,3	162,5	77	135,8
Fekale koliforme bakterie (tel/100ml)		1000	96,5	14,3	47,5	1667	497,5
Chemiese suurstofvraag (mg/l)		75 Max	32	96,1	47,7	47,1	52,7
Ammoniakstikstof (mg/l as N)		6 Max	0,3	1,7	2,3	7,2	2,9
Nitraatstikstof (mg/l as N)		15 Max	19,2	11,2	6,7	13,3	14
Nitrietstikstof (mg/l as N)			0,1	0,2	0,1	0,1	0,4
Totale swewende vaste stowwe (mg/l)		25 Max	4	8	4,3	6,5	7,3
Orto-fosfaat (mg/l as P)		10 Max	3	9,3	2,7	4,7	6,2
Opgeloste suurstof (mg/l)		-	-	6,3	-	-	-

wat nie voldoen het aan SANS 0241 nie.

Die gehalte van finale rioolwerke uitvloeisel word gemeet teen standarde wat deur DWA gestel word, welke standarde as of Algemene Standaard of Spesiale Standaard geklassifiseer word. By al vyf van Munisipaliteit Overstrand se rioolsuiweringswerke word die DWA Algemene Standaard toegepas.

Die tabel hierbo illustreer die gemiddelde metings by Munisipaliteit Overstrand se vyf suiweringsaanlegte teenoor parameters wat vir die gehalte van uitvloeisel gestel word oor vier maande, vergeleke met die DWA se Algemene Standaard. Monsters word op 'n maandelikse basis vir ontleding deur geakkrediteerde laboratoria geneem.

In Munisipaliteit Overstrand voldoen die gehalte van die uitvloeisel van vuilwater in 87.3% van die gevalle aan die gemiddelde metings wat vir Algemene Standaard gestel word. Verbeteringsprojekte word tans by al vyf rioolsuiweringsaanlegte onderneem.

In gevalle waar die toetsresultate van die finale uitvloeiselmonster nie voldoen aan die standaard nie, word daar regstellings by die werke gedoen.



Foto ~ Cherie Vale / Newsport Media

## WÊRELDKLASBYEENKOMS

Sowat 900 multi-sport atlete en sportgeesdriftiges het op Saterdag 12 Januarie 2012 deelgeneem aan die 11de jaarlikse Totalsports Challenge, wat in Gordonsbaai begin en op Kleinmond geëindig het. Weens die gure weer op Gordonsbaai moes die 12km lange branderkajak-been gekanselleer word, maar dit het geen afbreuk gedoen aan die verwagte taai tweestryd tussen die uithou-atlete Dan Hugo en Stuart Marais, wat as individue aan al die bene van die aflos deelgeneem het. Dit bestaan uit swem van 1.5km, 'n padfietsrit van 50km (van Gordonsbaai na Kleinmond), 'n padwedloop van 13km, varswaterkanoroei van 13km, 'n bergfietsrit van 25km en 'n stranddraf van 9km om mee af te sluit. Atlete kon ook in spanne van twee, drie of sewe lede inskryf. Daar is ook 'n landgebaseerde opsie bekend as die Totalsports Terra Firma Challenge. Marais het as wenner geëindig met 'n indrukwekkende tyd van 5:13:30. Volgens Marais is die Totalsports Challenge 'n wêreldklasbyeenkoms met 'n verstommende gees. Die geleentheid is onder andere bygewoon deur van links Soli Madikane, Overstrand se Direkteur van Ekonomiese Ontwikkeling, Overstrand-burgemeester Nicolette Botha-Guthrie, Kevin Lodge van Top Events, Jacky McClean van Stillwater Sport & Entertainment, en Suné Greeff, Overstrand se Toerismebestuurder.

## INKOMSTEDIENSSESOEKE

Neem asseblief kennis dat amptenare van die SA Inkomstediens op die volgende datums in die Overstrand-gebied sal wees om navrae oor alle dienste, soos belastinguitklarings, status-navrae en belastingopgawes, te hanteer:

5 Februarie 2013, 5 Maart 2013, 8 April 2013, 7 Mei 2013 en 4 Junie 2013.

Plek: Harmonieplein-gebou op die munisipale kampus van Overstrand in Hermanus.

Tyd: 09:00 tot 15:00

Navrae oor die besoeke kan gerig word aan Nawaal van Rooy by [NvanRooy@sars.gov.za](mailto:NvanRooy@sars.gov.za).

## OAK KONSERTE 2013

OAK bring top gehalte internasionale en nasionale kunstenaars na die plaaslike inwoners van Overstrand:

10 Feb Zappa Mainolfi Duo - Tjello/Klavier

15 Feb Karlsruher Duo - Tjello/Klavier

1 Maart Aand van Flamenco-sang en -dans

2 Maart Wolf en Temmingh - Luit en Blokfluit

Besprek by BELLINI - skakel 028 312 4988.

Navrae kan ook aan die sekretaresse, René du Plooy, by 082 940 4238 gerig word.